

Broj: UP/I-05-13-1-107/26
Mostar, 10.04.2026. godine

Udruženje Zelena energija Kakanj
N/r Aldin Čatić, predsjednik
Ulica branilaca br. 1
72240 Kakanj

PREDMET: Rješenje o ispunjavanju uslova, dostavlja se.

Poštovani,

U prilogu akta dostavljamo Vam Rješenje Federalnog ministarstva energije, rudarstva i industrije, broj: UP/I-05-13-1-107/26 od 10.04.2026. godine, kojim Vam je utvrđen status Zajednice obnovljive energije, a po Vašem zahtjevu broj: 14/26 od 23.03.2026. godine.

S poštovanjem,



Prilog: kao u aktu

Dostavljeno:

- Naslovu
- 05
- a/a

Broj: UP/I-05-13-1-107/26
Mostar, 10.04.2026. godine

Federalno ministarstvo energije, rudarstva i industrije, na osnovu člana 200. Zakona o upravnom postupku ("Službene novine Federacije BiH", br. 2/98, 48/99 i 61/22) i čl. 7. stav (1) i 13. stav (1) Pravilnika o zajednicama obnovljive energije ("Službene novine Federacije BiH", broj 65/25), rješavajući po zahtjevu **Udruženja Zelena energija Kakanj** (skraćena oznaka: **ZEK**) sa sjedištem u Ulica branilaca broj 1, Kakanj, broj: 14/26 od 23.03.2026. godine u predmetu sticanja statusa zajednice obnovljive energije, donosi:

R J E Š E N J E

1. Odobrava se **Udruženju Zelena energija Kakanj** (skraćena oznaka: **ZEK**), sa sjedištem u Ulica branilaca broj 1, Kakanj, sticanje statusa zajednice obnovljive energije.
2. Zajednica obnovljive energije **ZEK** se upisuje u Registar zajednica obnovljive energije pod rednim brojem 01.
3. Zajednica obnovljive energije **ZEK** je dužna da o svakoj promjeni podataka upisanih u Registar zajednica obnovljive energije i činjenica koje su bitne za ispunjavanje uslova za sticanje statusa Zajednice, u roku od 15 dana od dana kada je promjena nastupila, obavijesti ovo Ministarstvo.
4. Zajednica obnovljive energije **ZEK** je dužna da, u roku od 15 dana od dana kada je promjena nastupila, prijavi promjenu statusa Projekta korištenja obnovljivog izvora.
5. Zajednica obnovljive energije **ZEK** je dužna da obavijesti ovo Ministarstvo o svakom novom Projektu korištenja obnovljivog izvora koji zajednica obnovljive energije provodi sa navođenjem podataka o novom Projektu korištenja obnovljivog izvora kako su navedeni u Izjavi o realizaciji projekta obnovljivih izvora, radi upisa tih podataka u Registar Zajednica, u roku od 15 dana od dana donošenja odluke nadležnog organa Zajednice o realizaciji novog Projekta korištenja obnovljivog izvora.
6. Zajednica obnovljive energije **ZEK** je dužna da, u skladu sa članom 28. Pravilnika o zajednicama obnovljive energije ("Službene novine Federacije BiH", broj 65/25 – u daljnjem tekstu - Pravilnik), ovom Ministarstvu dostavlja izvještaj o radu za proteklu godinu.
7. Ovo rješenje, u skladu sa članom 25. Pravilnika, podliježe povremenoj kontroli od strane ovog Ministarstva, vezanih za ispunjenost uslova za status zajednice obnovljive energije, kao i uslova propisanih Pravilnikom.
8. Ovo rješenje stupa na snagu danom donošenja i objavljuje se na web stranici Ministarstva.

Obrazloženje

Udruženje Zelena energija Kakanj (skraćena oznaka: ZEK), u skladu sa članom 8. Pravilnika, obratilo se Federalnom ministarstvu energije, industrije i rudarstva sa zahtjevom za sticanje statusa zajednice obnovljivih izvora energije broj: 14/26 od 23.03.2026. godine, podnesenim u propisanoj formi i obrascu.

Uz predmetni zahtjev dostavljena je sljedeća dokumentacija, u skladu sa Pravilnikom:

- Identifikacijski broj: 4219316240000 izdat od Poreske uprave Federacije Bosne i Hercegovine, Kantonalni porezni ured Zenica od 10.03.2026. godine,
- Rješenje o upisu u Registar udruženja Ministarstva za pravosuđe i upravu Zeničko-dobojskog kantona broj: 06-04/1-04-387/26 od 30.01.2026. godine,
- Odluka o osnivanju Udruženja Zelena energija Kakanj broj: 01/2025 od 16.12.2025. godine,
- Statut udruženja broj: 02/2025 od 16.12.2025. godine,
- Izjava o saglasnosti broj: 11/26 od 11.03.2026. godine,
- Uvjerenje o prebivalištu za fizička lica članove Zajednice, odnosno izvodi iz odgovarajućeg registra kod kojeg su registrovana pravna lica članovi Zajednice,
- Izjava o realizaciji Projekta korištenja obnovljivog izvora,
- Dokazi o vlasništvu lokacije za Projekat korištenja obnovljivog izvora,
- Ugovori o priključenju na distributivnu mrežu za sve članove Zajednice,
- Ugovori sa snabdjevačem za svakog člana Zajednice.

Ovo Ministarstvo je, u skladu sa članom 10. Pravilnika, utvrdilo da je zahtjev zaprimljen na odgovarajućem obrascu i da su uz zahtjev dostavljeni svi dokumenti potrebni za dokazivanje ispunjavanja uslova propisanih Pravilnikom, te je na osnovu navedenog odlučeno kao u dispozitivu.

Federalna upravna taksa na podnijeti zahtjev i izdato rješenje o sticanju statusa zajednice obnovljive energije uredno je naplaćena po Zakonu o federalnim upravnim taksama i Tarifi federalnih upravnih taksi („Službene novine Federacije BiH”, br. 6/98, 8/00, 45/10, 43/13 i 98/17), i to na podnijeti zahtjev po tarifnom broju 24a u iznosu od 10,00 KM, te za rješenje u iznosu od 7,00 KM po tarifnom broju 2.

Pouka o pravnom lijeku:

Ovo rješenje je konačno u upravnom postupku i protiv njega nije dozvoljena žalba, ali nezadovoljna stranka može pokrenuti upravni spor podnošenjem tužbe. Tužba se podnosi Kantonalnom sudu u Mostaru u roku od 30 dana od dana prijema ovog rješenja. Uz tužbu se prilaže i ovo rješenje u prepisu ili kopiji.

